

湄邱集目錄

卷之一

文

瓊州府學大成殿記

瓊州府學射圃記

重修文昌明倫堂記

樂會縣儒學記

湄邱草亭記

暇園成趣亭記

雅宜山重瑞記

送周君廷重任桂林府推官序

先考侍御史府君墓碑記

先妣許太孺人墓碑記

族伯司訓訥齋公墓表

五子字說

林教志道守說

卷之二

各體詩

登銅鼓嶺

海南風景

瓊臺雜興七首

七星排斗

中秋對月

任都御史紀恩

思親

湄 邱 集

題海天春曉圖送海南道副使致政

歸休途中

休歸詠懷

其二

寄葫蘆族人

書懷

草亭望海

辛丑初度日

和友人韻

九日有懷

得友人書

十歲勉學

吟翡翠

目錄詩

湄 邱 集

目錄詩

送邱仲深至葫蘆口占

寄南文德純家

寄南文世遠家

銀花句

海南村老歌

安樂鄉長壽歌

有序

湄邱集卷上

湄

邱

集

瓊州府學大成殿記

夫子沒。道在六經。天下郡縣凡有學。以崇詩書禮樂之教。必尊吾夫子爲先聖。塑其像祠之廟。學有時廢。廟則未嘗廢也。歷代追封。尊極王爵加諡備於大成禮。改額大成殿。夫子位正南面。從遊賢哲。咸以封爵序坐乎左右。廟貌有嚴。審法象之器。正軒昂之樂。謹饗祭之時。吁何其隆耶。周室衰。聖王不作。教化凌夷。吾夫子固天縱之聖。而不得位於帝王。獨與其徒講明道學。闡聖教於遺經。寓王法於魯史。堯舜禹湯文武之道。晦而復明。君臣父子夫婦長幼朋友之禮。壞而復立。天下之人。得不淪於左衽者。誰之力歟。後世斯文宗主。舍吾夫子其誰歟。褒崇之典不如是。不足以報其功。所謂盛德百世必祀者也。瓊州府學廟誌以爲宋慶歷間建。迨今四百餘年。靈址在今府治之巽隅。地亢氣朗。興復相繼。規制整備。頃者學堂增廣。而殿

渭

邱

集

猶仍乎舊。郡守倅上饒蔣侯淇、長樂馬侯叔文受、值茲土殿適凋敝。慮無以彰我朝崇聖報功德意。謀新其作。乃出賞罰餘錢。遣工師逾海之北求巨木。得木名鉄力者。選什一於千百。趨駕以歸。辰卜既吉。工集其良。群之於肆。且斲且陶。百作并興。餽具食紓。敦事森嚴。而功自倍。於是撤其敝。崇其址。鼎新建置。工始於成化丁酉歲之秋。明年夏告成。殿總若干楹。廣袤視舊無所增。而高過之。飛簷層出。百度森如。材堅甍完。不華不樸。望之巍然。時僉事俞公環按節海南。適觀於廟。見諸像與圖不相肖。而位且相迫。復購良工按圖影塑。端其位次。內外一新。允足以展嚴祀之多儀。當崇文之傑作矣。落成日禮行釋菜。衣冠聚會。皆嘗從事乎詩書而願學焉者。仰瞻圭冕。神光流動。其心寧不悚然起敬乎。不知皆能信其道而篤於行。不爲邪說惑否也。至若春秋仲月禮行釋奠。主之陪之。亦皆學優而仕資其食於民者。登降殿陛。參越聖靈。其心寧不自榮於得共事乎。又不知皆能行所學以澤斯民法不寇於貨否也。署學教諭陳顯走書求予記言工作之勤。首以夫子

湄

邱

集

所以永垂世範者告。終則願於業儒者行思仰止。窮於所義。達於所法云。

瓊州府學射圃記

皇明一統天下。首建儒學。而附之以射圃。以教諸生之射。蓋以射者、學者之事。禮行於學。可以觀德而選士。利用於武。可以威敵而禦強。古之聖王務焉。射圃之附於學。實酌於古。而以時宜制之。盛典也。瓊州府學射圃。出學宮門西行不百步有舊址焉。地不滿射者之力。屋不蔽風雨。階物不度。侯服不給。諸生病之。成化辛卯歲之春。廣東按察司副使劍江涂伯輔奉璽書來按於瓊。政肅風行。不一再越月。百蠹以消。百廢以舉。民用寧輯。一日觀射。因嘆射圃之陋。曰是之弊。俗吏之爲也。思闢而新之。不欲勞民。乃自爲措置。材選其良。璧選其堅。工選其能。拓於其址。并諸餘地而增之。總得廣不五十步。袤百步有奇。畫地置射亭五間。左右附牆。各置小屋三間。砌階墀。徑直道。恢之以樂。坦若展茵。法制備具。誠可耦進退。比禮樂。而張弧矢矣。工始於公至之年夏六月庚申。以是年冬十一月己亥告成。總其

湄

邱

集

事而董其功者、郡守莆田吳侯琛、監諸義官海忠輩也。爲之左右而整飭其器物者、都門雷陽王公璫也。公又自爲損益大射鄉射之禮注爲射儀一通。俾諸生習而射之。瓊之士大夫觀者聽者。莫不欣然頌公。能宣德意以翼文化。慮久而亡之也。欲立石刻射儀以貽後人。屬鄧博陳顥走書來文、徵余言記之。嗟夫。世之食公祿而力可爲者。曾有幾人而知所當爲哉。金壁輝煌。有腴民脂而饒老佛之殿閣者。風月瀟灑。有殫民力而張宴賞之池亭者。其視園亭之作孰當耶。抑公之崇儒化。不管此一事。若學校。若祭器。若揭經程鑒。皆切切於心而爲之未已。偉哉涂公。力可爲。而爲君子所當爲。不隨俗而流。可謂一方兵民之寄。而不負委託之重者也。是宜記之、附於射儀之後以著其美焉。

重修文昌明倫堂記

今天下學有明倫堂。古謂之講堂。亦謂之倫堂。蓋以學校所講明者、倫理而已。明此理而昭晰於人。豈非用人以化成天下也哉。文昌儒學。歲久而敝。

湄

邱

集

憲副涂公伯輔至止。以其窄而陋也。俾知縣事古藤宋經重經理焉。既成。使生員林徽祈徵余文記所謂明倫堂者。竊惟人民之成。倫理之明也。人有五倫而不知所以自明。必待聖人立教以明之。經書者、教之具也。學校者、教之所也。聖人之教。不能徧及。必於衆人之中擇其俊且秀者。於學校之中授以六經之道。使其朝夕從事。誦言究理。指陳事實。稽古驗今。匪徒自明。又以開導其姻族、而漬漸其鄉里。俾才良而俗厚。異時學成而仕。上以致君而澤民。中以淑諸其秀且俊者。而俊秀之民。他日又推以淑諸人。彞倫攸叙。人文之成。庸有已耶。人倫明。則人文成矣。人民成。則天下化矣。吾邑以文昌名。其士民之美。必能如易之所云觀乎人文、以化成天下。顧三代之文。郁郁於成周。而成周之文。不外乎三代之所以明人倫。吾文多士。斐然成章。以應邑之名。要必秩然人倫之叙。而後燦然文理之備。斯無愧焉耳。苟反而求之。文采有餘。而實行不足。不亦有負於是邑之名斯堂之顏也哉。此豈獨士子爲然。凡民於是、與教於是、官於是、出入往來於是、擁臯比

而談經。攝按齊而進退。環橋門而觀聽者。曷亦思其所以然哉。成化九年季冬月記

樂會縣儒學記

古者建國必立學。有事於學。必釋奠於先聖先師。由漢而下。天下郡國皆置學。釋奠之禮。師聖迭尊。孔子歷隋而唐迨於宋元。以至今日。學校之制益備。褒崇之典益隆。文廟與儒學。俱遍於州縣。學設講堂以會文養士。廟建禮殿以祀孔子。而從其徒。後改講堂曰明倫堂。改禮殿曰大成殿。其推明化本。表著聖功。至備至當。無以復加矣。瓊之樂會縣廟學。初附縣治於泗村。後徙調嶺。元折其地增益會同縣。遷樂會於南泉渡之北。再遷渡南。初制漫無可考。今之廟學。卽今縣治之左。創於延祐三年。實海北肅政廉訪司照磨范棹所建也。歷歲既久。敝而復作。皆仍舊貫。未之有改。正統四年。始遷明倫堂於大成殿之左。久而復敝。成化七 years 上命廣東按察司副使豐城徐公。總察瓊州兵民之政而整飭之。視郡內諸廟學地隘者弗克聚。屋敝者

湄

邱

集

弗克居。非崇儒毓賢所宜。志將及宮。而材無所出。明年適天下大籍版圖之會。乃諭諸州縣。俾因民戶割稅驗畝推錢轉里胥私襲之利而公之。以作學之費。以營以繕。掃舊布新。而樂會廟學咸在作列。諸生以隘告。公又爲之闢其地而展之。進廟之戟門於前。退學之饌堂於後。大成殿、明倫堂、則鼎新建置。材良壁堅。丹堊諸采。施當其質。規模宏大。增壯於前。工垂成。而姑蘇邦俊何耕來。率是邑。樂其可繼。遂畫廊廡齋室庫門諸舍。凡隸於學者。並加修葺。煥然一新。誠可以饗聖靈而毓民俊矣。宰將不沒作之者之勞。乃具創置遷建之巔末。介其學生王克明請記於余。余惟聖王之治天下。必本彝倫。以綱維風化。彝倫之道。具在六經。學校者。講經明道之所。孔子、則六經之宗主。彝倫所賴以立而不墜者。彝倫立於子。則能父其父。立於臣。則能君其君。國無之。不足以爲國。家無之。不足以爲家。周祚修之而延。秦代棄之以促。忠臣烈婦臨變而不可奪者。皆彝倫之道。有以結乎其心也。彝倫在天下。有足恃如此。則講經明倫。固不可無學。而崇德報功。亦

湄

邱

集

不可以無廟也。廢而不作。作而不擇其地。不選其人。猶無作也。無良有司也。涂公之志。蓋樂於作興。亦其材足以有爲。故能爲有司授成計。有司又得業儒者共成其美。良可喜也。昔周官立制無一不備。獨於設教無官。廩士無制。先儒以爲其吏非應文也。其士非爲養也。吏非應文。是不可以法拘。士非爲養。是不可以利誘。此成周備法紀衆。不列學官於六典之深意也。今之講誦於斯堂。而瞻拜其廟者。尙宜深思此意。以自重其職業。修乎內無待乎外。則處足以爲席之珍。而出足以爲國之寶矣。余重於斯文。故爲之記。而以是終焉。成化八年秋月吉記。

湄邱草亭記

文昌東崑港之北湄。有邱狹而長若埭者。延亘六七里。內藏一邱。隆然深秀。外夾平曠。邢氏居之。逮今十餘世爲斯邱之主。邱主人之孫宥。拜官南臺。不俟老而致其事。既還故土。喜遂初志。乃伐邱之樹爲楹。新邱之竹爲椽。築邱之土爲牆。又剪邱之茅以葺之。作亭一間於舊所居之前。匾之曰

湄邱草亭。客至即延之茶。客退則亭虛而靜。春風秋月。冬暖夏涼。野樹垂陰乎前後。梅竹桑麻交翠乎左右。亭主人俛仰瞻盼其間。意方有適。則檢床頭殘簡。或喚甕底新醅。且研且酌。探頤陶情以消閒曠。興發則扶筇曳履。從一二童子徐步以出。或登丘隅。或臨水湄。望浮雲而覘飛鳥。觀新漲而玩遊鱗。心目以豁。志趣以舒。興盡而還乎亭。神疲力倦。則隱郭凡以徇懶僻。臥陶牕以遂黑甜。出而還。立而坐。睡而起。油油然率從意適。無所羈絆。以樂餘生。志意頗足。不知旁之人以爲何如。亭蔭以草。非自矯也。取蔽風雨草易於瓦也。邱加新名。非立異也。舊曰水吼。偏於水。曰黃嶺。偏於山。必兼山水而名之。不曰湄邱不可也。吾將散吾情。故作湄邱之草亭。吾將漫吾遊。故合水與山以名吾所居之邱。若謂吾邱無平泉綠野之侈。亭不似休休熙熙之雅。不足以樂。是未知吾之所以樂也。吾之樂。蓋將拉無懷氏之民而友之相與遊乎太古。否則願田舍翁揖而進之。共作農談。不愛見乎馬客與之話時事也。邱宜乎約。亭宜乎樸。不宜侈且雅也。雅吾不爲。

侈吾不能也。成化甲午夏四月吉湄丘記

暇園成趣亭記

明敎溪之西。文昌通儒里也。地幽而水清。土性宜樹。邑之望族林氏居之。林之豪子曰復初者。學究通微。志尙高適。嘗因地宜。搆名花草。彙植於所居之原。結屋其間。夷猶獨樂。自慶時平身暇。得以養高林壑。放志邱園。探草木魚鳥之性情。窺鬼神造化之消息。好之樂之。殫殫不倦。慮無以自見。將匾於屋曰暇園清趣。以表其志。走書來京與余相可否。余意欲更暇園作夏園。清趣作成趣。蓋取諸古人四時皆是夏、園日涉以成趣之句也。一日翰林侍讀丘公季方過余。因出書相與論確。季方以爲成趣則美。而夏園云云者。不過地氣多煖爾。幽人高趣。非閒暇莫由以成。暇園當依舊。而改成趣以足之。遂自書於匾。且囑曰。幸毋使溪西之文似北山也。後歸匾之。二年余致政歸鄉。悉以繆之所以異同其義者告。復初歎然曰。是深得吾素願也。溪西之文不必移也。於是舉觴相慶曰。余與子生同里。子行而吾居。子

湄

邱

集

雅宜山重瑞記

不俟老而歸以尋舊遊。趣與余同。不可不同此觴而寫此趣。乃出紙筆於几席間。俾余記之。辭未就而酒已醉。復初自歌曰。時多暇兮。居且有園。園有嘉樹兮。日秀以蕃。即彼樹兮。探天真。真趣成兮。樂不可言。余和之曰。行倦兮。歸來休。尋舊盟兮。海湄之邱。里有美人兮。同樂。趣以相適兮。將復奚求。二人浩然大笑。遂并書以記之。

天順庚辰歲之春。都憲姑蘇韓公永熙。葬其先妣太恭人於郡之雅宜山。旣襄事。而靈芝出焉。又九年成化己丑秋。公以先君通議大夫合葬於太恭人之兆。時方畢工。而鶴鶴又集焉。鄉之士大夫耆彥。見者聞者。悉相傳頌。咸以爲雅宜之有重瑞。都憲公之孝徵也。各爲詩以歌咏之。郡太守以告於監郡叅史。監郡以告於予。謀將上其事。公聞而止之曰。焉知其非偶然耶。事不足旌。安敢以瀆聖天聽。得一言記之。庶有徵於後足矣。乃偕予以登雅宜之山。謁元堂。探靈蹟。守塚者指塚之背以告曰。此芝所產之處也。實有二

湄

邱

集

莖。一高一低。幹如文犀。葩如瑞綺。其色柔然。又指塚背垣內之松林以告曰。此鸛鶴來集之所也。二鳴於垣。餘皆在樹。初有百數。次夕倍之。肅肅然若有驚之者。經二宿而出。既而。由塚之後出於主山之巔。覽山之勢。皆自白龍陽來。彼聯此屬。三四起伏。而後落爲雅宜。土厚而木秀。佳氣聚焉。有主有案。左右瞰具焉。五患且不及。實天下之福地也。因而嘆曰。有是山而在東吳富麗之鄉。歷千百載萬目中。獨無一人得者。豈天祕之以遺韓氏耶。都憲公以天下人傑。入總憲綱。出握兵柄。負一代才名。身雖侍朝廷。而心營慕乎父母。生事之禮。至備至周。死而卜塋。得如是之地。宜矣。其塋之具。皆上遣官爲之營造。公又身自臨之。百凡器物。必誠必慎。實足以藏魄而安靈哀。至禮盡孝。誠有感其瑞物駢臻。亦宜也。非偶也。夫孝者始於事親。中於事君。終於立身。昔張曲江居父喪哀毀。而庭木有連里之祥。迨居母喪。而塚前出白鳩白雀之異。其後官至中書令。封曲江伯。皆由能事親事君立身也。以公之材器德業事親事君。無忝於曲江矣。居喪召祥。又有類

湄

邱

集

乎曲江矣。他日所進。其爵位功名立身之地。又豈下於曲江乎。其子孫相承。愈遠愈大。當自茲山茲瑞啓之也。因書之以爲記。成化庚寅春正月吉日瓊臺文昌邢克寬記

送周君廷重任桂林府推官序

節推佐守治理職專刑獄。而臧否是非之權守實施之。彼此孚合以循乎正。未有不能相成以卒志者。故已有善而守違之。則疑。守有不善而已順之。則欺。於是牽制局促之患生。而民不蒙惠。寮屬且然。況位其上者乎。桂林爲廣右首郡。藩封三司之都。交廣荆蜀之所輻輳。雖簡重淳樸。著自古昔。而齒頰僞集。勢必至幽隱困抑也。非仁人莫能理直。而怵威之下。每承順而不獲其情。則已之所不獲自信者。又非特守而已也。廷重以文學課最。擢膺是任。尙其慎之哉。易之噬嗑。離上震下。明照而威震利用獄也。爰惟九四最善。以其剛明故有得金矢之象然。曰利艱貞。則知治獄之不易矣。夫四居柔而體剛。柔主仁。本也。剛主威。用也。本以寓哀矜。用以懲奸惡。艱者慎乎

外也。貞者正內也。正平內以致威。慎乎外以顯仁。積久而上下化之。何往不利。所謂孚合相成以卒乃志者。端在是矣。呂刑曰。惟良折獄。慎而正。所以爲良乎。廷重與余同郡。素腹重於鄉評。再會京師。知之頗稔。予友平仲之卒於邱也。含飯歛襯。重有力焉。是司牧之良者。推是心以往。其優於所事矣。

先考侍御史府君墓碑記

文昌邢氏。先爲汴梁人。世傳以爲梁開平間。仕爲武經大夫者之後。宋南渡後。遷於瓊。始自十二十三公。十三公充綱使。府君綱使九世孫也。六世祖諱章煥。仕元爲縣尹。高祖諱德良。仕爲太使。祖諱廷瑜。署屯田奏百戶。公諱世賢。隱居處士。府君自號寶積翁。以省官推封爲御史。少負剛侃。年逾弱冠。輒能與人談理道。分曲直。不阿不矯。能人所不能。鄉人凡有爭競不決者。往往相約同造其門。取辨信誡。事先公處士府君。與先妣符孺人。心極孝愛。墓祭皆盡禮。家訓猶嚴。弟姪子孫輩。毋敢犯教令。睦宗族。和鄉黨。厚

姻戚與賓朋。敬長上。循禮度。流瀆敬服。成化乙未二月三十日卒於家。壽年八十有八。配許氏。繼郭氏。均封爲太孺人。子男六。宥、定、寅、宜、成、寅。女四。一適貢士陳旭。一適黎漢。一適王源。一適王恕。皆鄉之俊士。孫男六。琛、瑗、璵、璵、瑋、瑋。卒之年五月二十五日。葬於峒嶺山之原。郡博陳顯既銘其墓。仰惟我朝推恩盛典。不敢自蔽。謹用立石勒之墓前。昭告後代。而宥歸老遐僻。不得大手筆表其懿美。姑述其世德大概。勒於碑陰。庶繼世子孫有所徵云。成化乙未年夏六月望日記

先妣許太孺人墓碑記

孺人，故高安知縣東瓜許有虔女也。性聰慧而嫺女工。年十九歸嚴翁。恭執婦道。內相有方。家用以理。內外姻戚咸嘉重焉。宣德乙卯七月二十五日卒。壽年三十九。是年冬葬於欄郡之原。子男四。長卽宥。次定宜。女三。長早亡。一適茂山陳旭。一納郎頭黎氏聘焉。宥承念先訓二十年失所恃。今獲登進士第。拜官御史。祿不及養。抱恨終天。所幸追贈有勅。得告歸焚黃。於是

族伯司訓訥齋公墓表

贈以勒碑。用彰天寵。並志其私。一於其下。天順元年丁丑冬十月朔旦記

公姓邢氏。諱貴。字良貴。號訥齋。上世汴人。宋南渡後。公之九世祖第十二公。與其弟十三公。避地南遷於瓊。家文昌之觀霄。八世祖仕宋爲宣議郎。七世祖仕宋爲秦府。六世祖諱宣議。仕宋爲文昌知縣。官階如祖。亦稱宣議郎。高伯祖諱夢璜。仕元爲萬安知軍。高祖諱卿。仕元爲瓊州按撫司僉事。曾祖諱元才。仕元爲瓊山文昌二縣知縣。遷居三嘉。祖諱道與。仕元爲巡檢。父諱安民。隱居不仕。公生而敦樸。不樂華靡。性嗜文史。讀過書永久不忘。邑大夫器異之。舉入邑庠。從觀瀾林先生遊。以書經領永樂乙酉鄉薦。己丑會試登副榜。授江西瑞昌縣學訓導。同學友秋官五事林密。素重公德。而畏其學。欲薦並立。公聞而謝之。曰。幸毋相累。得英才而教育之。是所願也。永樂甲午丁內艱。還守制於家服闋。改浙江海鹽。又移杭州。凡歷三梓。所至皆嚴課程。責學者以熟讀。先德行而後文藝。弟子多所造就。

湄

邱

集

由科貢出身時用者濟濟。嘗以恤孤賙貧等事言於朝。秉政者多採用之。正統辛酉。乞致其仕。詔許之。時年六十有六也。公先丁外艱。喪葬一依乎禮。不作佛事。後以內艱歸。州里勸其從俗以厚報。公曰。讀儒書而以異端葬其親。斯爲厚耶。執禮愈謹。邑中有志者悉從公學。及致政以歸。晚輩益尊信。操觚從遊者日踵於門。隨才進退。皆有成立。樂進者掇科名。居家者亦不失爲善人。蓋公負確志。植實行。文詞典雅。詩句冲淡。自幼學壯行至乎老而歸。手未嘗釋卷。心未嘗爲利動。惓惓焉將導帥一方。俾良士勇於善。慚夫去其飾。情者動。肆者恭。同歸於厚。固未得盡如其志。然能變舊習。俾治喪者不用浮屠。家信而里行之。公之力也。正統癸亥冬一遭疾。卽服朝服告於先祖。禮未畢而疾已亟。顯子昇曰。善治棺務從堅樸。毋惑異端。言訖而終。時十一月十六日也。享年六十有六。娶多髻符氏。子男三。長昇。次勗。次進。女一。昇以公卒之明年正月丙寅葬於祖考墳之後。宥以御史致政歸。昇同其從子俊執狀以告。俾有言以闡揚其懿美。宥與公族同出。

居同鄉。學同道。故謹次其事以表其墓云。正統甲子十月吉日記。

五子字說

文、昌、邢、氏、居南文者爲世族。族之子曰順、曰顯、曰灝、曰政、曰敏。方成立時。而其父田叟已沒。五子者謹事母讀書。皆能世其家而大之。敏且今爲縣學弟子員。始予幼時。嘗與順、顯二人同讀小學書。及舉於鄉。而灝、政、敏三人又從予學。謂予叙在族諸父。且有師友之素。宜字其名而表之。而予以會試來京師。又九年始以御史得告歸省。五子者復請字於予。予乃告之曰。所貴於人者。德而已矣。凡天付與於人者。人能得之於已而不失。斯謂之德。君子所貴莫尚乎德。字宜從德。夫順其性者。踐其形也。踐其形即踐德矣。字順曰德履。顯乎外者敬乎內也。敬乎內即敬德矣。字顯曰德恭。世多白首獨商老以灝稱。則灝云者。將不在皓而在純然者矣。字灝曰德純。政、正也。欲正人之不正者。必正己德以先之也。政之字其曰德先。敏、寬也。心體寬大者。由道充而德裕也。敏之字其曰德裕。順其履哉。所當履者能履而不失。

集

邱

湄

湄

邱

集

斯無咎而不顯矣。顯其恭哉。所當慕者能恭而不忽。斯無往而不顯矣。灝其純哉。匪年之隆。惟德之充。則自然純厚矣。政也何先。先之孝友。孝友不違。則施於有政矣。敝也何裕。裕於循理。循理而行。則敵乎蕩蕩矣。若以同流合污爲順。是非君子之所宜順。浮華虛譽以爲顯。是非君子之所宜顯。徒白以爲灝。徒言以爲政。任放以爲敝者。又非君子之所宜灝宜政宜敝也。凡吾所不欲以告。皆非君子之道也。道非君子。宜深戒之。五子曰唯。請書以爲訓。

林教志道字說

文昌通儒家溪西林氏顯之子教。方幼學時。嘗從予習讀。予喜其志可與共學。既而予歌鹿鳴以起。教從師於鄉。學無一日廢。予又喜其學可與適道。及予致政而歸。教出入凡席間。謹執弟子禮。一日避席而言曰。教既臨於客位。今翰林侍講學士前庶吉士瓊山邱公聞而嘉之。字教曰志道。今年四十。而道無聞。名不遂。朋儕將不我畏矣。先生何以處之。予告之曰。士

湄

邱

集

尙志。志於道德者。功名不足以累其心。名之有無。宜莫之計。若道無聞。吾請說子之字以勸。聖人。與佛老權謀術數百家衆技之道。於其法無非教也。所教各有其道也。士志於道。志聖人之道。非志佛老權謀術數百家衆技之道。聖人之道。載諸六經。經重五教。教君臣以義。義者君臣之道也。教父子以親。親者父子之道也。教夫婦以別。長幼以序。朋友以信。別者序者信者。夫婦長幼朋友之道也。子以四教。文以知此道也。行以履此道也。忠信以存此道也。教以道立。道以教明。吾子能志於道。則不恥惡衣惡食而可以入德矣。能志於道。則據德依仁可以馴致矣。有德有仁。則身修而家可敬矣。不出家而成教於國矣。教字志道。邱公之意盡於此。子宜勉之。聞道有蚤暮。子能勉之。是尙可適道。未爲晚也。道明德立。則在家必達。在邦必達。身自顯而名自彰矣。奚有不我畏。又奚俟於藉青紫。階利祿。方爲遂耶。吾子勉之。成化七年辛卯歲之冬書

湄

邱

集

湄邱集卷二

登銅鼓嶺

一縱登臨目。蒼茫大字空。斷山浮澗激。削壁判鴻濛。地撼魚龍鬪。潮爭鼓角雄。憑高獨舒嘯。宛在水晶宮。

海南風景

南荒千里盡王疆。四顧天連海色蒼。二郡輿圖興自漢。五州編戶盛于唐。故家大半來中土。厚產偏多起外莊。絃誦聲煩民物庶。宦遊都道小蘇杭。

瓊臺雜興

七首

德星南斗聚光華。文物衣冠聳故家。魚兔迭班唐使節。樓臺相望漢宣衙。阜康自擬唐貞觀。習尚相高晉永嘉。聊樂不勞方外去。七洲煙月浩無涯。

學館群遊并俊華。書香半襲舊儒家。芝蘭尙友顏回室。葩萼爭雄宋玉衙。席

湄

邱

集

上珍藏光發越。胸中道富樂肥嘉。白袍自破天荒後。秋鶻嘗飛嶺外涯。
五指山光勝九華。版圖曾奏漢王家。窠中人老多遺世。被裏官閒早放衙。橄
欖香回茶後美。蝓蟬鱸出酒餘嘉。薰風座上羲皇客。一曲雍容詠聖涯。
六鰲洲背湧精華。十邑居民數萬家。椰子戶雄橙橘戶。檳榔衙勝柳槐衙。匝
花海上瓊芝秀。含液枝頭錦荔嘉。却被坡翁收拾去。至今龍泣水西涯。
大同民習惻無華。軒冕浮雲重世家。巷被空花明吉貝。屋披雲縹戰緜衙。稻
田秋歛冬還種。藥圃菁芳雨更嘉。一斗桑麻半樽酒。興如滄海沒津涯。
一經相繼續南華。誰似清林處士家。庭外雨晴喧鳥市。簷前日暖散蜂衙。菊
含霜氣秋香烈。蔗釀寒漿晚節嘉。且幸海門波不動。居閒隨分足生涯。
地極南瑤萃物華。竹垣深淺里人家。兒童總解藏私貨。父老無絲識縣衙。藜
子熟時村酒醖。甜茹茁處野穀嘉。東風不負鳧鷖約。白首同歸醉海涯。

七星排斗

豈信人間有列星。天移北斗下南溟。望先及塔拳孤影。削不成峯笑五丁。返

湄

邱

集

照入波垂列宿。密雲扶霧點高形。皇輿碧落通呼吸。何日登臨勒短銘。

中秋對月

舉頭問月月無辭。俯首啣盃有所思。棘院觀光群射策。茅齋刻影獨吟詩。入秋欲養身豐羽。試酒先將面點朱。今夕桂條憑折盡。來科留取最餘枝。

任都御史紀恩

半載封章兩度頒。主恩深注再遷官。藩叅既領一州易。都憲重兼百政難。財賦東南民力困。祖宗根本地方寬。拳拳付託爲兵食。計拙謀疎寢未安。

思親

抱悶休閒宦況微。白頭親在久相違。後生穉子今應長。舊識老翁半已非。山蕨每懷三月美。海鰲常記四時肥。逢人莫話歸來日。未語先沾淚滿衣。

題海天春曉圖送海南道副使致政

暘谷風來力尙微。海棠花已映荆扉。雷鳴地角宣春令。日浴波心散曉輝。啼

血鷗寒還樹叫。尋香蜂倦繞林飛。漁翁獨起觀大色。收拾絲綸趁早歸。

歸休途中

乞得殘形返故丘。滿江明月送歸舟。百年事業隨身老。三島烟霞入夢稠。花下自吟移短榻。海中相伴有馴鷗。春田鵬粟家嘗醴。長醉無人笑白頭。

休歸詠懷

脫却樊籠得自繇。家園萬里望瓊州。花看晚節添幽興。人憶同時覓舊遊。一枕黑甜山舍午。半樽白潑水亭秋。歸來已定棲身計。獨愧居恩未盡酬。

其二

枉尺何勞計直尋。一官嘗抱舊儒巾。時當歲晏芳心歇。風入高秋病骨侵。聖主獨憐章累上。列卿同贖酒頻斟。投簪莫訝歸來早。倦鳥惟應戀故林。

寄葫蘆族人

卜築葫蘆境最幽。竹籬茅舍似菰葦。身多暇日琴隨鶴。意得當年劍換牛。泉

湄

邱

集

石願依山作主。簪纓不羨世封侯。頭因無事齊齊白。直是羅浮隱者流。

書懷

生平安分只隨緣。隨老休歸得自然。兩腳徐徐行實地。一心坦坦對青天。月因近日光常減。竹到經霜節愈堅。記得唐人好言語。相公但願汝無權。

草亭望海

丘山望海水冥冥。萬斛龍驤一羽輕。沙磧資鹽凝皓月。潮痕遺貝麗繁生。硯州夜露金銀氣。神電晴嵐鶴鶴鳴。同會朝來望北闕。休歸長頌海波平。

辛丑初度日

前生自是白頭翁。再見蒼龍歲舍同。身世悠悠還是客。頭毛短短返成童。兩間俯仰期無愧。百事修爲貴有終。此去古稀年不遠。桑榆晚景好收功。

和友人韻

作吏平江已六秋。撫心民事未全酬。閑來且看兒童樂。興至還同父老遊。紅

葉乘風驚落帽。黃花借酒可添籌。羨居作賦稱運彥。憑眺高山任水流。

九日有懷

虛度重陽六十秋。菊花空對酒難酬。閒吟詩句皆新得。遍歷江山多舊遊。丘上曙開堪縱目。壺中矢發旋添籌。興來活潑天機永。散步溪邊看水流。

得友人書

千里如天遠。三年不此來。書從雲外至。手把月中開。

十歲勉學

希賢希聖又希天。治國齊家此一身。德業文章傳世久。我今宜勉自童年。

送邱仲深至葫蘆口占

與君相送到葫蘆。酒在葫蘆不用沽。共飲一杯辭別去。君行西出故人無。

吟翡翠

文彩彬彬翠黛鮮。品流未讓百禽先。休言筋骨非爲貴。且道皮毛也值錢。

寄南文德純家

山外平湖水接天。漁竿放下又耕田。相過暇日多賢達。詩酒優游忘歲年。

寄南文世遠家

幽居新築海山頭。樹擁芳村翠欲流。好景坐看潮落處。釣船漁滬滬沙州。

銀芳句

風俗年來流又流。中流砥柱賴吾儔。於今又作銀花僮。禮義何時得轉頭。

海南村老歌

海南村老非眞村。家能識字里能文。讀書大意破論孟。險夷巧拙知區分。待錢只欲買書讀。不置田廬遺子孫。祝融司天霜不殺。四時露皆春溫。禾收南熟雜粳糯。倉積種種多如雲。水奴大者十餘種。半花半實充林園。族屬姻婭無遠邇。歲時壺榼通溫存。水行乘舟陸乘馬。巾服雍容禮義敦。況有童奴可

將命。幸無後役相勞煩。采鈞芳鮮隨意出。海中爲樂難具論。養高花下酒一樽。無事足不躡公門。心有餘寧形亦逸。海南村老非眞村。

安樂鄉長壽歌

有序

邑之東、有山名曰東瓜。居人許伯裔、故高安知縣之冢子也、今年壽躋八十、族戚與予言古人尚齒尚德、阿翁齒德兼有、而老而愈壯、誠可賀也、感份以酒、謂予爲許甥、不可無辭以慶、予故歌此以侑觴云、

人皆願長壽。得之能幾何。七十古來已稀有。今人八十尤無多。吾家老舅太叔裔。天錫偏隆家慶萃。鶴算今年八十躋。髮鬢蒼然顏似醉。日落春山社散時。少年醉臥老扶歸。我翁坐起輟雙屐。身輕步健行如飛。大田歲熟秋收急。拄杖田頭終日立。如珠如玉囑童奴。莫遺所天拋顆粒。此翁骨相本瑰奇。龍馬精神松柏姿。少從嚴侍宰花縣。足跡踏遍西江湄。高安風習厭浮薄。操觚直過廬陵學。炙賢摩善友多聞。掃盡游談重然諾。客夢南雲遙北

湄

邱

集

堂。便辭嚴侍早還鄉。綵衣舞罷尋耕釣。食鮮茹美輕膏粱。汪汪語笑夾飛瀑。五老香爐猶在目。探春海上獨尋梅。滌暑林間常友竹。木奴四望環蒼翠。探斲只在此山內。賸栽杞菊佐盤飧。細緝蒹蘭紉佩褱。內能睦族多比鄰。湖海襟期最可人。識達義敦時望重。未容空谷老閒身。烏紗白髮舊弱冠。雲鶴相邀清且煥。自將名利等浮雲。物外逍遙何羈絆。流水高山無常住。老翁胸中千古趣。不資金鼎練神丹。靜養清修安分素。此心無慾更無營。六脉清和百竅清。氣血流通神秀發。性無戕賊自延齡。世人謀壽癡堪嘆。念佛喫齋勤養禱。不知作事要平心。却罔此心從左道。罔而得壽是爲幸。潦倒龍鍾奚足敬。誰似我翁益老益高強。壽保太和真可慶。謝庭蘭玉井才賢。正臨初度起芳筵。三族親賓歡會集。壽觴滿載酒如泉。階前綵服舞僮僂。我爲翁唱長壽歌。舞袖一翻歌一放。衆賓爭獻金巨羅。我唱壽歌賓拍掌。掌拍聲齊歌益壯。一杯未盡復一杯。不覺東方月已上。閑話昇平興未闌。新醅繼出盡餘歡。且舞且歌行且拜。願君長壽等南山。

湄 邱 集

卷
之
二
歌

湄邱集勘誤表

項別	卷一	記	記	墓表	字說	卷二	詩	詩	詩	詩	詩	詩	詩	詩
頁數	四	十二	十六	十九	一	一	三	四	四	六	七	七	七	七
行數	四	二	三	三	三	三	四	一	四	十	六	十	六	十
字數	十九	廿二	廿四	八	九	廿下	廿六	十九	十二	十二	二	廿二	廿二	廿二
誤	鄧次	五	敝	字	地	餘	大	訓	萌	芳	露			
正	郡	次	主	敝	字	地	高	天	馴	花	雨	露		



◀ 像 道 公 洲 西 唐 ▶

傳

芳

集

西洲先生像贊並引

嗚呼。主聖臣直。詎不信哉。西洲先生。以德學擅名當時。自郎署養高。垂二十年。赴召又十餘年。薦登戶部左卿。受知圖報。志在匡濟。知無不言。言必國體。儒者之業。大臣之風。不可泯已。仲于秋。奉遺像付予以贊。雅承交誼。求之冥冥而不可得也。嗟乎。撫其大者贊焉。

聖人厥中。帝德其同。既同迺崇。臣宜是庸。南夷千紀。兵議蠶起。內安外攘。才畧聲。與享曲請。權奸斯逞。抗疏詞嚴。邪氣始屏。宗祀明堂。周禮有章。晦翁已矣。嘉謨孔揚。嗚呼形逝兮。杳莫追。神變化兮孰能窺。立朝兮堂堂羽儀。千載如見兮。愴夫沮悵。

嘉靖壬子年秋吉賜進士出身通議大夫兵部右侍郎鐵橋黃表衷書

西洲侍郎像贊

汝濟公後。實繼其美。經史百家。兼綜條理。嘉猷所貢。爲人所難。罷兵執禮。純宗其殫。耿介孝友。一時之冠。道範式瞻。慰我私願。雲初方盛。群鳳

翮。以續前修。會來風騫。澤留南海。集著西湖。言功不朽。知與德俱。余詞弁陋。何堪表揚。敬陳藻翰。式昭靈良。

傳

時大清光緒十九年十一月望前三日督學使者仁和後學徐 琪謹題

本傳

芳

唐胄字平侯。東廬人。幼穎敏。博通經史百家。宏治戊午鄉試。壬戌會試。皆魁禮經。實志授戶部主事。以憂歸。劉瑾斥諸服除久不赴官者坐奪職。瑾誅召

用。以母老不出。嘉靖初起故官疏諫。差內臣蘇杭織造。請爲宋死節臣趙與珞追諡立祠。進員外郎。遷廣西提學僉事。爲購羣書以迪多士。令土官及獠蠻悉遣子入學。擢雲南金騰副使。土酋莽信虐。計擒之。木邦孟養搆兵。胄

遣使宣諭。木邦遂獻地。廣遷廣西左布政使。官軍討古田賊。久無功。胄遣

使撫之。其魁曰。是前唐使君令吾子入學者。即解甲。明史本傳時王府宗室受封

賄官吏補支祿米。自出幼具題日爲始歲費幾千萬石。乃奏革其弊。得旨如

議。通行天下。獻徵錄擢右副都御史。巡撫南贛。移山東。遷南京戶部右侍郎。

傳

芳

集

十五年。改吏部。進左侍郎。帝以安南久不貢。將致討。郭勛復贊之。詔遣錄

衣官開狀。中外嚴兵待發。胄上疏諫不可者七。統見章下。兵部請從其議。

明年四月。帝決計征討。侍郎潘珍。兩廣總督潘旦。巡按御史余光相繼諫。

皆不納。後遣毛伯溫往。率撫降之。郭勛爲祖英請配享。胄疏爭。帝欲祀獻

皇帝明堂。配上帝。明史本傳胄抗疏爭辯不屈。統見帝大怒。下詔獄。拷掠削籍歸。

遇赦復冠帶。明史及疾篤。聞帝奉章聖太后梓宮南禱。喜曰。此神聖之見也。猶

力疾北向叩首。蕭志尋卒。隆慶初。贈右都御史。胄耿介。孝友好學。多著述。

立朝有執持。爲嶺南人士之魁。明史本傳爲文有理致源委。不尚浮靡。篤嗜白玉

蟾詩文。爲之精選。名瓊海摘稿。所著有瓊臺志。江閩湖嶺都臺志。西湖存

稿。行於世。阮通志祀鄉賢。子穆。嘉靖戊戌進士。禮部員外郎。爲人雅樸。有

父風。著有餘學錄。孫恪以廩授官。蕭志

御祭文

傳
芳
集

隆慶元年。歲次丁卯。夏五月十八日。皇帝遣廣東按察司左參議夏道南。諭祭都察院副都御史戶部左侍郎唐胄曰。惟爾名著甲科。養宗丙舍。初分司於耶署。旋提學於士林。由副使以任開藩。旬宣績懋。擢副都而佐戶部。政事疏陳。廟享力爭。勛賞爲之奪氣。明堂禮議。宸衷諒厥孤忠。乃始宥之以容諫臣。繼寵之以復原職。情殷待用。天不憖遺。彌切悼傷。特頒卹典。爾靈不昧。尙歆服焉。

傳

芳

集

通議大夫戶部左侍郎贈都察院右都御史西

洲唐公神道碑

王宏誨

自予髫髻時見父老談西洲唐公立朝節槩。私心嚮往之。比長入仕中朝。與脩國史。因讀公先後建白諸疏。乃擊節歎曰。嗟夫若西洲公者。豈不毅然大丈夫哉。嘗觀摺紳士夫平居矢口。言天下事。即引裾折檻。見若無難爲者。至當國家利害事變之衝。輒相率鼠首兩端。甚則卷舌固位。嗟乎此其人視公如何哉。公以嘉靖戊戌夏議獻皇帝明堂饗禮忤旨詔獄廷杖爲民而歸。是冬復冠帶躡年而卒。又躡年葬陶山潭緝之原。隆慶初奉詔卹錄乃晉公官都察院右都御史賜祭葬如例。故事仕登三品法得樹石神道。公嗣孫恪走書京師。以碑銘請予雅重公茲復忝公後進。載筆貞石。以掄闡幽。美昭來世。責惡可辭。按狀公諱胃。字平侯姓唐氏西洲其號也。先世桂林之興安人。宋淳祐間。始祖震刺瓊州卒于瓊。子叔建蔭瓊山縣尉。遂卜城東番蛋里家焉。叔建生次道通功郎。瓊州戶錄。次道生閻瓊州學教授。閻生祖壽。祖壽生遜本州

傳

芳

集

學訓。遙生乾昇太學生。乾昇年正處士。太學生。處士則公之王父父也。俱以公貴贈通議大夫都察院右副都御史戶部左侍郎。王母吳母陳皆贈淑人。公生而敏穎。於書無所不讀。弘治戊午舉于鄉。壬戌成進士。舉皆以禮記魁其經。授戶部山西司主事。丁外艱服闋。值逆瑾擅權。公謝病不出。瑾誅起。公復以母老乞終養。益肆力于學。蓋家食者幾廿年。肅皇帝入嗣大統。始赴召爲戶部河南司主事。時蘇杭織造。遞遣中貴人往大爲民害。公上疏諫止。詞甚剴切。已又疏請出內象。又疏爲宋死節諸臣請諡立祠。其所論列皆有關政體。時論韙之。癸未春校會試。所得多名士。陞本司員外郎。尋擢廣西提學僉事。公提學以身範士。督師生習冠射諸禮。即僻邑遐阯。巡歷皆遍。丙戌陞雲南按察司副使。備兵金勝。飭號令。治軍旅。境內肅然。土酋莽信橫虐。莫敢誰何。公遣壯士討禽之。逮其黨八人俱論死。保山令趙九阜與其子明。引逆賊劉七餘孽承檄漁民。民苦郡吏弗能制。公械繫之。九阜坐盜邊錢糧。例斬其首以殉。明坐抵命宣慰木邦。孟養爭地。搆兵連歲。鎮巡議興四省師

傳

芳

集

往討之。公曰。毋煩師。是可。不戰而下。乃。覈。木邦。先世與地所由。諭以國恩。木邦。感激。獻地。兵。遂。寢。丁亥。改。本省。提學。副使。其所。造士。一如。西。粵。時。會有。尋。甸。之。變。總。制。提。兵。來。者。柄。臣。私。人。也。囑。公。以。故。人。子。不。聽。時。三。司。憚。其。威。議。迎。參。皆。跪。公。獨。不。從。疏。乞。致。仕。不。允。陞。雲。南。右。參。政。已。丑。表。賀。如。京。諸。郡。邑。例。餽。夫。廩。皆。卻。不。受。既。至。見。京。貴。無。所。遺。上。疏。請。崇。聖。德。上。嘉。納。焉。陞。本。司。右。布。政。使。壬辰。入。覲。陞。廣。西。左。其。年。至。廣。西。時。桂林。盜。發。擄。富。家。塚。王。府。諸。臣。巨。姓。惴。惴。日。夕。公。計。獲。渠。魁。七。人。誅。之。而。古。田。鳳。皇。寨。草。賊。尤。大。肆。掠。時。調。土。漢。兵。征。之。無。功。公。屬。其。令。劉。朝。輔。曰。往。諭。吾。意。天。兵。不。可。再。干。如。急。來。吾。能。生。之。朝。輔。如。命。往。賊。曰。是。布。政。果。前。提。學。耶。卽。解。甲。與。朝。輔。偕。至。受。質。而。還。輯。其。衆。境。內。大。安。蓋。公。往。提。學。時。嘗。諭。諸。衛。送。子。入。學。授。書。遺。風。猶。有。存。者。先是。各。鎮。守。將。月。領。銀。賞。衛。名。鹽。魚。銀。軍。器。局。月。支。糧。給。軍。名。軍。匠。口。糧。公。按。學。故。謂。洞。首。能。戢。諸。衛。無。掠。乃。貢。今。各。處。警。報。何。賞。爲。祇。官。吏。冒。耳。軍。器。局。造。以。年。今。元。年。造。未。已。而。支。糧。至。十。一。年。何。也。悉。

傳

芳

集

禁絕之。靖江王府宗人受封。輒請補祿。自登名玉牒日始。公曰。祿與爵偕。應始自拜封。從前誤也。且以靖江一府月補祿米八千石。合天下諸藩費當何如者。遂疏其弊於朝。宗室羣譴之。公屹不動。尋得旨俞允。通行各藩著爲令。蓋公在西粵。功績殊尤類此。他如疏請不隨王府慶賀。不行王府叩頭朝禮。及戢客兵不敢爲暴。人聞之皆吐舌。癸巳陞右副都御史。提督南贛汀漳。公以開府四省重鎮。而贛城卑小。何以示威。乃增築樓櫓雉堞。擬諸都會。按兩廣軍興條例著賞格。置湖西道檄守巡分。駐臨江吉安令。緩急可倚官軍遠邇帖然。僅半載改山東巡撫。再乞致仕不允。時值旱公焚香祝天。藩司分禱嶽瀆諸神。連日大雨。郡邑多蝗。公撰祭文命長吏做周禮春秋禳祭。是歲無蝗子生。盡爲蝦蟆蟻子食。有蝗飛自邳淮來過沂州不下。歲則大熟。是時公方尋黃河故道。以疏三郡水災。潑通省荒田。給民牛種墾之爲世世永利。未就而陞南京戶部右侍郎。丙申春改戶部右侍郎。迨秋轉左。會安南弗靖。廷議興師往問罪。公曰。安南道路險絕。出師必無成功。且得其地不

可郡縣。永樂中事是也。因疏力言其不可者七事。武臣郭勛怙寵請其祖配享功臣廟。公復疏請止。上皆虛已可其奏。嗟夫公于君臣之際。亦已遇矣。乃明堂之議。聖心有默契古禮者。在廷諸臣。未必能知。公亦坐此不合。然肅皇帝之明。與公之忠。皆可以流光千古。若公者可謂終不遇乎哉。公卒爲嘉靖己亥四月十三日。距其生天順辛卯十月二十二日。享年六十有九。配鍾氏。出文昌甲族。貞惠有聞。累封淑人。子男三。長穆。戊戌進士。禮部儀制司主事。次秩。次稼。女三。長適尙寶司丞丘郊。次適周盤。次適馮昇。孫男二。恪。惇。恪官生。都察院照磨。即來請予碑銘者。孫女一。公天性至孝。事處士公敬養備至。疏歸侍養時。會陳淑人有疾。公手調藥朝夕不解帶。舍傍忽產蘼蕪。取以供母。人以爲孝感。治家嚴而有方。冠婚喪祭。一遵古禮行之。素性儉衣履不擇敝好。處滇中數年。珍寶之物一無所携。所至解任之日。廨中供帳器皿。悉署籍以俟來者。自提學備兵至開府。東南士民。無不遮道攀轅。送出境外。去之久而愈不能忘。爲文章根本六經。不務綺靡。所著有

傳

芳

集

瓊臺志十四卷。廣西通志若干卷。江閩湖嶺都臺志十三卷。詩文若干卷。行于世。初公既罷歸。尋有詔復公冠帶。人謂上意原公且召公。而公逝矣。公生平以范文正自期。身任天下之重。乃不獲竟所設施借哉。是宜銘。銘曰。於燥唐氏。實始興安。爰及司徒。碩大且蕃。通籍廿年。優遊林壑。幡然而起。雲蒸龍躍。中外駭歷。藩臬薦更。乃簡中丞。乃陟武卿。文武憲邦。勳猷名世。侃侃論列。弗嚴貴勢。批鱗削籍。易世旌忠。贈僧祭壘。慰卹優隆。已化者人。弗朽者德。鬱鬱佳城。過者其式。